

eine gewaltige Ungewißheit haben vnd wegen
 der Vnehnlichkeit ihrer vnter sich selbst / welche
 aus dem Unterschied der Endursachen / der
 Fertigkeiten / der Begierden vnd der mancher-
 ley Gebräuche der Völcker herrühret / vber alle
 massen vngleich vnd unterschiedlich seyn: Je
 dennoch / weil wir vns in Unterrichtung vn-
 sers Fürsten einen gewissen vnd rühmlichen
 Zweck fürsien / welcher zu Erlangung * der
 Glückseligkeit des Volcks vnd zu Erhaltung des
 gemeinen Nutzens gerichtet ist: Als wollen wir
 versuchen vnd Fleiß anwenden / daß wir durch
 eine gebähnte Strasse guter Exempel vnd
 Beyspiele / auch solcher Thaten vnd Händel / so
 nicht hierzu vngehörig oder dem Werck vnehn-
 lich / sondern vielmehr dieser Sachen gleich-
 förmig vnd zu Erlangung der Endursach vnd
 rechten Zwecks behig vnd geschickt seyn / vnsern
 Fürsten in diesem heiligen Vorhaben fort vnd
 durchführen mögen: In Betrachtung / daß / wo
 die Endursach vnd das Ziel / so ihm ein Mensch
 vorseht / gut vnd löblich ist / auch die vnomb-
 gängliche Naturfft erfodert / daß auch seine
 Wirkungen vnd thun / dadurch man zu vor-
 gesehem End zugereichē gedencet / ebenmäßsig
 gut vnd dem gesteckten Ziel gleichförmig seyn
 müssen: Da hingegen vnmöglich ist / daß eini-
 ges thun vnd fürnemen gut seyn könne / welches
 zu einem bösen End vnd Zweck gemeynet ist.

Dero

3.